



重 3 - 2

0 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak

原本の文字など不明瞭な個所があります。



国立公文書館
National Archives of Japan

西

豫章先生文集卷第五

匯圖

古詩

西禪寺常住

淺草文庫

次韻荅曹子方雜言

輔

酺池寺湯餅一齋盂曲肱懶著書騎馬
天津看逝水滿船風月憶江湖徃時盡
醉冷卿酒侍兒琵琶春風手竹間一夜
鳥聲春明朝醉起雪塞門當年聞說冷
卿客黃須鄴下曹將軍挽弓石八不好

顏氏家訓曰借人與
籍皆須愛護先有缺
壞就為補治此亦士
大夫百行之一也
鄞江衛良謹識

禪

武讀書卧看三峯雲誰憐相逢十載後
金裏生魚甌生塵冷卿白首太官寺樽
前不復如花人曹將軍江湖之上可相
忘春鉏對立鴛鴦雙無機與游不亂行
何時解纓濯滄浪喚取張侯來平章烹
茶煮餅坐僧房

寺

次韻子瞻和王子立風雨敗書

屋有感適

婦翁不可過王郎非嬌客十年爲從學
苦淡共堙厄燕雀蚩鴻漸犬羊睨麟獲
遇逢涇渭分昨夢春冰釋平生五車書
才吐二三策已作謗薰天金朱果何益
君窮一窓下風雨更削跡詩工知學進
詞苦見意迫俗情傲秦贅婦舍不煖席
南治從東家不聞被嘲劇師儒並世難
日月過箭疾公今未有田把筆耕六籍

戲答俞清老道人寒夜三首

索索葉自雨月寒遙夜闌馬嘶車鐸鳴
群動不遑安有人夢超俗去髮脫儒冠
平明視清鏡政爾良獨難

聞道一梯米出身縛簪纓懷我伐木友
寒衾夢丁丁富貴但如此百年半曲肱
早晚相隨去松根有茯苓

牧羊金華山早通玉帝籍至今風低草

觸觸見白石金華風煙下亦有君履跡
何爲紅塵裏領鬚欲雪白

祕書省冬夜宿直寄懷李德素
曲肱驚夢寒皎皎入牖下出門問何祥
岑寂省中夜姮娥携青女一笑粲萬瓦
懷我金玉人幽獨秉大雅古來絕朱絃
蓋爲知音者同牀有不察而况子在野
獨立占少微長懷何由寫

次韻答秦少章乞酒 觀

朝事鞍馬早吏曹文墨拘初無尺寸補
但於友朋踈豈知簾瓢子卧起一牀書
炙背道堯舜雪屋相與娛步出城東門
野鳥吟廢墟頗知富貴事勢窮心亦舒
詩來獻窮狀水餠嚼冰蔬斗酒得醉否
枵腹如瓠壺亦可召西舍侯羸非博徒

記夢

衆真絕妙擁靈君曉然夢之非紛紜窻
中遠山是眉黛席上榴花皆舞裙借問
琵琶得聞否靈君色莊妓搖手兩客爭
棋爛斧柯一兒壞局君不呵杏梁歸燕
語空多柰此雲窓霧閣何

次韻子實題少章寄寂齋

虛名誤壯夫今古可笑閔屍裏萬里歸
書載五車攢安知衡門下身與天地準

秦晁兩美士內行頗修謹余欲造之深
抽琴去其軫寄寂喧閑間此道有汲引
獄戶開笞榜市聲雜嘲輒二生對曲肱
圭玉發石蘊小大窮鵬鷁短長見椿槿
欲聞寂時聲黃鍾在龍筭

次韻孫子實寄少游

端

薛宣欲吏雲季氏或招閔此公胷中秋
萬物被收擣賣藥偶知名草玄非近準

才難不易得志大略細謹士生要弘毅
天地爲蓋軫驥來鹽車驂井下短縛引
難甘呼爾食聊寄粲然顰誰能借前籌
還婦用束蘊吾聞調羹鼎異味及粉槿
豈其供王羞而棄會稽筭

戲書秦少游壁觀

丁令威化作遼東白鶴歸朱顏未改故
人非微服過宋風退飛宋父擁篲待來

歸誰饋伯勞
鸕鷀妃秦氏
庭烏八九子
雅烏之兄畢逋
尾憶炊門牡烹
伏雌未肯增巢令
汝棲莫愁野雉
踈家雞但願

主人印纍纍

贈秦少儀覲

汝南許文休
馬磨白衣食但聞
郡功曹滿世名籍籍
渠命有顯晦非人作通塞
秦氏多英俊少游眉最白
頰聞鴻鴈行

筆皆萬人敵吾蚤知有覲而不知有覲
少儀袖詩來剖蚌珠的歷乃能持一鏃
與我箭鋒直自吾得此詩三日卧向壁
挽士不能寸推去輒數尺才難不其然
有亦未易識

送少章從翰林蘇公餘杭

東南淮海惟揚州
國士無雙秦少游
欲攀天關守九虎
但有筆力回萬牛
文學

從橫乃如此故應當家有季子時來誰
能力作難鴻鴈行飛入道山斑衣兒啼
真自樂從師學道也不惡但使新年勝
故年即如常在郎罷前

出城送客過故人東平侯趙景

珍墓令贊

朱顏苦留不肯住白髮政爾欺得人嬪
娟去作誰家妾意氣都成一聚塵今日

牛羊上丘壘當時近前左右嗔花開鳥
啼荆棘裏誰與平章作好春

次韻黃斌老所畫橫竹

酒澆胷次不能平吐出蒼竹歲峥嵘卧
龍偃蹇雷不驚公與此君俱忘形晴窓
影落石泓處松煤淺染飽霜兔中安三
石使屈蟠亦恐形全便飛去

次韻謝斌老送墨竹十二韻

古今作生竹能者未十輩吳生勒枝葉
筌案遠不逮江南鐵鉤鎖最許誠懸會
燕公洒墨成落筆與時背譬如剗心松
中有歲寒在湖州三百年筆與前哲配
規摹轉銀鉤幽賞非俗愛披圖風雨入
咫尺莽蒼外吾子學湖州師逸功已倍
有來竹四幅冬夏生變態預知更入神
後出遂無對吾詩被壓倒物固不兩大

世傳江南李王作竹自根至梢徑小者
一鉤勦成謂之鐵鉤鎖自云惟柳公
擅有此筆法

用前韻謝子舟爲予作風雨竹
子舟詩書客畫手睨前輩挹杖拍其肩
餘力左右逮摩拂造化鑪經營鬼神會
光煤疊亂葉與世作者背看君回腕筆
猶喜漢儀在歲寒十三本與可可追配
小山蒼苔面突兀謝憎愛風斜兼雨重

意出筆墨外吾聞絕一源戰勝自十倍
榮枯轉時機生死付交態祖公賦七芋
勿用嗔喜對此物當更工請以小喻大

再用前韻詠子舟所作竹

森削一山竹壯士十三輩自干雲天出
草莽肯下逮虛心聽造物顛沛風雨會
榮枯偶同時終不相弃背誰言湖州沒
筆力今尚在阿筌雖墨妙好以竹鶴配

國工裁主意冷澹恐不愛子舟落心畫
榮觀不在外耆年道機熟增勝當倍倍
祖述今百家小紙弄姿態雖玄出湖州
卷置懶開對非公筆如椽孰能爲之大

戲詠子舟畫兩竹兩鸕鷀

風晴日暖搖雙竹竹間相語兩鸕鷀鸕鷀
鷀之肉不可肴人生不材果爲福子舟
之筆利如錐千變萬化皆天機未知筆

下鸕鷀語何似夢中蝴蝶飛

次韻荅斌老病起獨游東園二首

萬事同一機多慮乃禪病排悶有新詩
忘蹄出兔逕蓮花生淤泥可見嗔喜性
小立近幽香心與晚色淨

主人心安樂花竹有和氣時從物外賞
自益酒中味斲枯蟻改穴掃籜筍迸地
萬籟寂中生乃知風雨至

又和二首

西風颸殘暑如用霍去病踈溝滿蓮塘
掃葉明竹逕中有寂寞人自知圓覺性
心猿方睡起一笑六竅淨

外物攻伐入鍾鼓作聲氣待渠弓箭盡
我自味無味宴安衽席間蛟鱷垂涎地
君子履微霜即知堅冰至

又荅斌老病愈遣悶二首

百疴從中來悟罷本誰病西風將小雨
涼入居士逕苦竹遶蓮塘自悅魚鳥性
紅粧倚翠蓋不點禪心淨

風生高竹涼雨送新荷氣魚遊悟世網
鳥語入禪味一揮四百病智刃有餘地

病來每厭客今乃思客至

題也足軒

簡州景德寺覺範道人種竹於所居之

東軒使君楊夢貺題其軒曰也足取古
人所謂但有歲寒心兩三竿也足者也
仍爲之賦詩余輒次韻

道人手挿兩三竹使君忽來唾珠玉不
須客賦千首詩若是賞音一夔足世人
同處但同流一絲不掛似太俗客來問
我有何好道人優波遠山綠

寄題榮州祖元大師此君軒

王師學琴三十年響如清夜落澗泉滿堂洗盡箏琶耳請師停手恐斷絃神人傳書道人命死生貴賤如看鏡晚知直語觸憎嫌深藏幽寺聽鍾磬有酒如渑客滿門不可一日無此君當時手栽數寸碧聲挾風雨今連雲此君傾蓋如故舊骨相竒恠清且秀程嬰杵臼立孤難伯夷叔齊采薇瘦霜鍾堂上弄秋月微

風入絃此君說君家周彥筆如椽此君語意當能傳

次韻李任道晚飲鎖江亭

西來雪浪如魚烹兩崖一葦乃可橫忽思鍾陵江十里白蘋風起縠紋生酒杯未覺浮蟻滑茶鼎已作蒼蠅鳴歸時共須落日盡亦嫌持蓋僕屢更

再次韻兼簡履中南玉三首

李侯詩律嚴且清諸生賡載筆縱橫句
中稍覺道戰勝曾次不使俗塵生山繞
樓臺鍾鼓晚江觸石磯礧杵鳴鎖江主
人能致酒願渠久住莫終更

江津道人心源清不繫虛舟盡日橫道
機禪觀轉萬物文彩風流被諸生與世
浮沈唯酒可隨時憂樂以詩鳴江頭一
醉豈易得事如浮雲多一作喜變更

鎖江亭上一樽酒山自白雲江自橫李
侯短褐有長處不與俗物同條生經術
貂蟬續狗尾文章瓦釜作雷鳴古來寒
士但守節夜夜抱關聽五更

廖致平送綠荔枝爲戎州第一
王公權荔枝綠酒亦爲戎州第一
王公權家荔枝綠廖致平家綠荔枝試
傾一杯重碧色快剥千顆輕紅肌撥醅

蒲萄未足數堆盤馬乳不同時誰能同

此勝絕味唯有老杜東樓詩

杜子美宴
戎州東樓

詩云重碧醕春
酒輕紅擎荔支

送石長卿太學秋補

長卿家亦但四壁文君窺之介如石胷
中已無少年事骨氣乃有老松格漢文
新攬天下圖詔山採玉淵獻珠再三可
陳治安策第一莫上登封書

題借景亭

并序

青神縣尉廳葺城頭舊屋作借景亭下
瞰史家園水竹終日寂然了無人迹又
當大木綠陰之間戲作長句奉呈信孺
明府介卿少府

青神縣中得兩張愛民財力唯恐傷二
公身安民乃樂勸葺城頭六月涼竹鋪
不涴吳綾襪東西開軒蔭清樾當官借

景不傷民恰似鑿池取明月

戲贈家安國

家侯口吃善著書常願執戈王前驅朱
紱蹉跎晚監郡吟弄風月思天衢二蘇
平生親且舊少年筆硯老杯酒但使一
公轉洪鈞此老矍鑠還冠軍

次韻楊明叔見餞十首并序

楊明叔從予學問甚有成當路無知音

求爲瀘州從事而不能得予蒙恩東歸
用蛟龍得雲雨鶻鷗在秋天作十詩見
餞因用其韻以別

平津善牧豕佽飛能斬蛟終藉一汲黯
淮南解兵交楊子有直氣未忍死草茅
引之入漢朝誰爲續弦膠

楊君清渭水自流濁涇中今年貧到骨
豪氣似元龍男兒生世間筆端吐白虹

何事與秋螢爭光蒲草叢

事隨世滔滔心欲自得得楊君爲已學
度越輩流百坐捫故衣蟲垢襪春汗黑
睥睨紈袴兒可飲三斗墨

清淨草玄學西京有子雲太尉死宗社
大鳥泣其墳寂寞向千載風流被仍昆
富貴何足道聖處要策勲

桑輿金石交既別十日雨子輿裹飯來

一笑相告語楊君困簾瓢諸公不能舉
儻可從我歸沙頭駐鳴艤

山圍少天日孤鬼能作妖燄閃載一車
獵人用鳴梟小智窘流俗蹇淺不能超
安得萬里沙霜晴看射鵠

元之如砥柱大年若霜鸚王楊立本朝
與世作郛郭觀公有膽氣似可繼前作
丈夫存遠大曾次要落落

虛心觀萬物險易極變態皮毛剥落盡
唯有真實在侍中乃珥貂御史即冠豸
顧影或可羞短蓑釣寒瀨

松柏生澗壑坐閱草木秋金石在波中
仰看萬物流骯髒自骯髒伊優自伊優
但觀百世後傳者非公俟

老作同安守蹇足信所便胷中無水鏡
敢當吏部銓恨此虛名在未脫卅糾纏

念作白鷗去江南水如天

和王觀復洪駒父謁陳無已長句

陳君今古焉不學清渭無心映涇濁漢
官舊儀重九鼎集賢學士見一角王侯
文采似於菟洪甥人間汙血駒相將問
道城南隅無屋止借船官居有書萬卷
繞一作纏四壁樵蘇不囊談至夕主人自
是文章伯鄰里頗恠有此客食貧各仕

天一方佳人可思不可忘河從天來砥
柱立愛莫助之涕淋浪

以古銅壺送王觀復

隨俗易汨沒從公常糾紛我觀王隆化
入蕕不改薰未見蛇起陸已看豹成文
愛君古人風古壺投贈君酌酒時在傍
可用弭楚氛問君何以報直諒與多聞

豫章先生文集卷第五

豫章先生文集卷第六

古詩

次韻荅黃與迪

和氏有尺璧楚國無人知青山抱國器
歲月忽如遺但使玉非石果有遭逢時
吾宗固神秀天迺晚成之蘭芳深九畹
露味挹三危流俗不顧省古人可前追
胷中陵雲賦自貴知音稀淵源學未淺

孝友家正肥與世殊
軌轍三黜理亦宜
吳溪浣紗女不用朱粉施
豈伊風塵子
市門自夸毗我作僰道
囚三年始放歸
邂逅終日語貽我五字詩句如秋雨晴
遠峰抹脩眉老馬甘伏櫪坐看天驥馳
灑掃清樾下當爲果茗期光陰去易失
日月轉兩儀仲氏有東園花竹深可依
寸步不往來千里常夢思幾時開後戶

扶策方自茲

次前韻謝與迪惠所作竹五幅
吾宗墨脩竹心手不自知天公造化鑪
攬取如拾遺風雪煙霧雨榮悴各一時
此物抱明節君又潤色之抽萌或發石
懸簾有阽危林梢一片雨造次以筆追
猛吹萬籟作微涼大音稀霜兔束豪健
松煙泛硯肥盤柏未落筆落筆必中宜

今代捧心學取笑如東施或可遺巾幘
選悞如辛毗生枝不應節亂葉無所歸
非君一起予衰疾豈能詩憶君初解鞍
新月挂彎眉夜來上金鏡坐歎光景馳
我有好東絹晴明要會期漪漪淇園姿
此君有威儀願作數百竿水石相因依
它年風動壁洗我別後思開圖慰滿眼
何時遂臻茲

次韻益修四弟

霜晚菊未花節物亦可嘉欣欣登高侶
畏雨占暮霞諺云朝霞不出門暮霞行千里楚人醞菉
豆輕碧自相誇老夫不舉酒嚙嚙鳴兩
車良辰與美景客至但成嗟

以峽州酒遺益修復繼前韻

令節不把酒新詩徒拜嘉頗益宋玉賦
登高氣成霞渚宮但衰柳朝雲爲誰誇

吾宗懷古恨流涎過麴車一壺澆往事
聊送解愁嗟解一作耐

王充道送水仙花五十枝欣然

會心爲之作詠

凌波仙子生塵襪水上輕盈步微月是
誰招此斷腸魂種作寒花寄愁絕含香
體素欲傾城山礬是弟梅是兄坐對真
成被花惱出門一笑大江橫

題胡逸老致虛庵

藏書萬卷可教子遺金滿簾常作災能
與貧人共年穀必有明月生蚌胎山隨
宴坐畫圖出水作夜窓風雨來觀山觀
水皆得妙更將何物汚靈臺一作莫將
世事侵兩

贊小菴觀
靜鑑靈臺

題蓮華寺

狂卒猝起金坑西脣從數百馬百蹄所

過州縣不敢誰肩輿虜載三十妻忤生
有膽無智略謂河可憑虎可搏身膏白
刃浮屠前此鄉父老至今憐

衝雨向萬載道中得逍遙觀遂

託宿戲題

逍遙近道邊憩息慰憊憇晴暉時晦明
謔語諧讌論草萊荒蒙龍室屋壅塵坌
僕僮侍倨仄涇渭清濁混

送密老住五峯

一本羊腸下有兩句云去時擷

茗春風香歸來
秧稻夏日長

我穿高安過萍鄉七十二度遞羊腸水
邊林下逢衲子南北東西古道場五峯
秀出雲雨上中有寶坊如側掌去與青
山作主人不負法昌老禪將裁松種竹
是家風莫嫌斗絕無來往但得螺師吞
大象從來美酒無深巷

拜劉凝之畫像

弃官清穎尾買田落星灣身在菰蒲中
名滿天地間誰能四十年保此清淨退
往來澗谷中神光射牛背

次蘇子瞻和李太白潯陽紫極宮
感秋詩韻追懷太白子瞻

不見兩謫仙長懷倚脩竹行達紫極宮
明珠得盈掬平生人欲殺耿介受命獨

徃者如可作抱被來同宿砥柱閱頽波
不疑更何卜但觀草木秋葉落根自復
我病二十年大斗又不覆因之酌蘇李

解肥社醅熟

子瞻詩所記胡道士王芝
一名瓊田草者俗號其葉爲唐婆鏡葉底開花故號羞天花以予

考之其實本草之鬼也歲生一曰如黃精而堅瘦滿十二歲可爲藥就土中生根取一曰勿令大本知也煮麵如餌

皮裏一曰吞之數日不飢嚼三曰可辟穀也黃龍山老僧多採而斷食令人

體耀而神王今方家所用鬼臼但用一草根不知

檠耳如蜀人用鬼臼但用一草根不知

何物也。鎮陽趙州問道傍叢生三羽者真鬼箭俗醫用藥如此而責古方不治病可勝歎哉因論王芝故并記之以遺胡道士道士胡君洞微卓君玘之弟子卓君之時欲崇飾宮觀而俗緣薄規摹甚遠而不成就及胡君而言殿崇成便齋曲房松竹薈蔚觀其軒窓開塞宜冬而愜夏智慮通物者也又好文多藝能治賓客具至者忘歸此東坡先生所以每至而留連者歟

跋子瞻和陶詩

子瞻謫嶺南時宰欲殺之飽喫惠州飯細和淵明詩彭澤千載人東坡百世士

出處雖不同風味乃相似東坡云詩人有擬古之作矣未有追和古人者也追和古人則始於東坡吾於詩人無所甚好獨好淵明其詩質而實綺癯而實腴自曹劉鮑謝李杜諸人皆莫及也吾前後和其詩凡一百有九篇至其得意自謂不甚愧淵明然吾之於淵明豈獨好其詩也哉如其爲人實有感焉淵明臨終詠告其等吾少而窮苦每以家弊東西遊走性剛剛才拙與物多忤自量爲已必貽俗患惱才拙與物多忤自量爲已必貽俗患蓋實錄也吾真有此病而不蚤自知半生出仕以犯世患此所以深愧淵明欲以晚節師範其萬一也

題李亮功戴嵩牛圖 公寅

韓生畫肥馬伏仗有輝光戴老作瘦牛
平生千頃荒叢棘告主人實已盡筋力
乞我一牧童林間聽橫笛

次韻徐仲車喜董元達訪之作
南郭篇四韻

達

董侯從軍來意望名不朽欵門拜徐公
在德不在酒徐公雖避俗對客輒粲然

耳不聞世事時誦陶令篇

次韻仲車爲元達置酒四韻

射陽三萬家莫貴徐公門誰能拜牀前
況乃共酒尊唯此醉中趣難爲醒者論
盜卧月皎皎雞鳴雨昏昏

次韻仲車因妻行父見寄之詩

前朝老諸生太半正丘首投荒萬里歸
煩公問健否徃時望江寧今爲夏津吏

它日可教之玉音尚無棄

武昌松風閣

依山築閣見平川夜闌箕斗挿屋椽我
來名之意適然老松魁梧數百年斧斤
所赦今參天風鳴媧皇五十絃洗耳不
須苦薩泉嘉二三子甚好賢力貧買酒
醉此筵夜雨鳴廊到曉懸相看不歸卧
僧氹泉枯石燥復潺湲山川光輝爲我

妍野僧早飢不能餧曉見寒谿有炊煙
東坡道人已沉泉張侯何時到眼前釣
臺驚濤可晝眠怡亭看篆蛟龍纏安得
此身脫拘攣舟載諸友長周旋

次韻文潛

武昌赤壁弔周郎寒溪西山尋漫浪忽
聞天上故人來呼船凌江不待餉我瞻
高明少吐氣君亦歡喜失微恙年來鬼

崇覆三豪詞林叔抵頗搖蕩天生大材
竟何用只與千古拜閣像張侯文章殊
不病歷險心膽元自壯汀洲鴻鴈未安
集風雪牖戶當塞向有人出手辦茲事
政可隱几窮諸妾經行東坡眠食地拂
拭寶墨生楚愴水清石見君所知此是
吾家祕密藏閣像一作遺像

次韻吳可權題餘干縣白雲亭

曩誰築孤亭勝日有感遇永懷劉隋州
因榜白雲句遺老不能談新陳忽成屢
綠陰斤斧盡華屋風雨仆吳侯七閩英
寧縣有真趣絃歌解民愠根節去吏蠹
材收佛宮餘工有子來助夏成燕雀賀
水蒲鳧鴈翥四海名士來一笑佳客聚
雲興碧山留雲散清江去斯須成蒼狗
皆道不如故至之觀萬物誰有安立處

寄語吳令君但遣糟牀注

庭堅以去歲九月至鄂登南樓
歎其制作之美成長句以啟寄
遠因循至今書呈公悅澤

江湖東北行畫圖
郢州南樓天下無高
明廣深勢抱合表
江山來畫閣雪蓬
披襟夏簟寒曾吞
雲夢何足言庾公風
流冷似鐵誰其繼
之方公悅

顏徒貧樂齋二首

衡門低首過環堵容膝坐四旁無給侍
百衲自縺裏論事直如絃觀書曲肱卧
飢來或乞食有道無不可

小山作朋友義重子輿桑香草當姐妾
不須珠翠粧鳥鳥窺凍硯星月入幽房
兒報無炊米浩歌繞屋梁

題默軒和遵老

平生三業淨在俗亦超然佛事一盂飯
橫眼不學禪松風佳客共茶夢小僧圓
漫績山家頌非詩莫浪傳

鄂州節推陳榮緒惠示公檄崇
陽道中六詩老懶不能追韻輒
自取韻奉和

頭陀寺

頭陀全盛時宮殿梯空級城中望金碧

雲外僧鰯鰯人亡經禪盡屋破龍象泣
唯有簡枯碑文章巋然立

道中聞松聲

蟠空作風雨發地鳴鼓吹日晴四無人
聲在高林際伊優兒女語蹇淺市井議
我欲抱七絃寫此以卒歲

中秋山行懷子興節判

俗物常偏塞令人眼生白永懷洛陽人

談詩論畫壁青山吐秋月阻作南樓客
但歌靡監詩賞此無瑕壁

眼生白一
作眼角

再登蓮落嶺懷君澤知錄

邑下羹不和幕中往調護紛爭非士則
各使捐細故頗憶郤參軍能令公喜怒
應知鞅掌車歷盡崔嵬路

崇陽道中

張公少爲令愍俗有遺書左販洞庭橘

右擔鼓蠡魚歌奔中夜女歸抱十年雛

借韻一
近歲多儒學仁風似有初

晚發咸寧行松徑至蘆子

咸寧走蘆子終日喬木陰太丘心灑落
古松韻清深聊持不俗耳靜聽無絃琴
非今胡部律而獨可人心

以酒渴愛江清作五小詩寄廖

明略學士兼簡初和父主簿

正

虞
世

將發沔鄂間盡醉竹林酒二三石友輩
未肯弃老朽借問坐客誰盧溪紫騎叟
此翁今惜醉舊不論外斗

平生思故人江漢不解渴誰言放逐地
燒燭飲至跋憂予先狗馬勸以愛膚髮
有罪當竄流但懼不得活

廖侯勸我酒此亦雅所愛中年剛制之

常懼作災怪連臺盤拗倒故人不相貸
誰能知許事痛飲且一快

竹林文章伯國士無與雙比來少制作
非以弱故降景陽機中錦猶衣被丘江
時時能度曲秀句入新腔

斯人絕少可白眼視公卿每與俗物逢
三沐取潔清我亦漫浪者君何許同盟
試問盧溪叟猶得多可名

過洞庭青草湖

乙丑越洞庭丙寅渡青草似爲神所憐
雪上日杲杲我雖貧至骨猶勝杜陵老
憶昔上岳陽一飯從人討行矣勿遲留
蕉林追獫獠

晚泊長沙示秦處度范元實用

寄明略和父韻五首

湛

昔在秦少游許我同門友掘獄無張雷

劍氣在牛斗今來見令子文似前哲有
何用相澆潑清江渌如酒

范公太史僚山立乃先達發揮百代史
管以六經轄投身轉嶺海就木乃京洛
仲子見長沙且用慰飢渴

秦郎水江漢范郎器鼎鼐逝者不可尋
猶喜二子在相逢唾珠玉貧病問薪菜
豫愁帆風船目極別所愛

往時高文友宰木已撻撻今我二三子
事業在燈窓秦范波瀾闊笑陸海潘江
願茲秉經術出仕榮家邦

少游五十策其言明且清筆墨深關鍵
開闔見日星陳友評斯文如鍾磬鼓笙
誰能續鳳鳴洗耳聽兩甥元注云秦范相謂爲甥

次韻元實病目

道人嘗恨未灰心儒士苦愛讀書眼要

湏玄覽照境空莫作白魚鑽蠹簡閱人
朦朧似有味看字昏澁猶宜懶范侯年
少百夫雄言行一一無可束看君眸子
當瞭然乃稱胷次常坦坦如何有物食
明月淚睫隕珠衣袖滿金篦刮膜會有
時湯熨取快術誠短君不見岳頭懶瓊
一生禪鼻涕垂頤渠不管

花光仲仁出蘇秦詩卷思兩國

士不可復見開卷絕歎因花光
爲我作梅數枝及畫煙外遠山
追少游韻記卷末

夢蝶真人貌黃槁籬落逢花湏醉倒雅
聞花光能畫梅更乞一枝洗煩惱扶持
愛梅說道理自許牛頭參已早長眠
洲風雨寒今日梅開向誰好何況東坡
成古丘不復龍蛇看揮掃我向湖南更

嶺南繫船來近花光老歎息斯人不可
見喜我未學霜前草寫盡南枝與北枝
更作千峯倚晴昊

書磨崖碑後

春風吹船著暗語溪扶藜上讀中興碑
平生半世看墨本摩抄石刻贖成終明
皇不作包桑計顛倒四海由祿兒九廟
不守乘輿西萬官已作鳥擇栖撫軍監

國太子事何乃趣取大物爲事有至難
天幸爾上皇跔躅還京師內間張后色
可否外間李父頤指揮南內淒涼幾尙
活高將軍去事猶危臣結春陵二三策
臣甫杜鵑再拜詩安知忠臣痛至骨
上但賞瓊琚詞同來野僧六七輩亦有
文士相追隨斷崖蒼蘚對立久凍雨爲
洗前朝悲

浯溪圖

成子寫浯溪下筆便造極空濛得真趣
膚寸已千尺只今中宮寺在昔漫郎宅
更作老夫船檣竿挿蒼石

太平寺慈氏閣

晚與曾公
袞同登

青玻瓈盆挿千岑湘江水清無古今何
處拭目窮表裏太平飛閣暫登臨朝陽
不聞皂蓋下遇溪但有古木陰誰與洗

滌懷古恨坐有佳客非孤斟

題淡山巖二首

去城二十五里近天與闕盡俗子塵春
蛙秋蠅不到耳夏涼冬暖惄宜人巖中
清磬僧定起洞口綠楂仙家春惜哉次
山世未顯不得雄文饒翠珉

淡山淡姓人安在徵君避秦亦不歸石
門竹徑幾時有瓊臺瑤室至今疑画中

明潔坐十客亦可呼樂醉舞衣闋州城
南果何似永州淡巖天下稀

明遠庵

遠公引得陶潛住美酒沽來飲無數我
欲醉眠卿且去只有空瓶同此趣誰知
明遠似遠公亦欲我行庵上路多方挈
取甕頭春大白梨花十分注與君深入
逍遙游了無一物當情素道卿道卿歸

去來明遠主人今進步

元注云道
卿活溪僧

玉芝園

并序

去年三月清明蔣彥回喜太
守監郡過其玉芝園作詩十
六韻二俟皆有報章今年三
月余到玉芝園記錄一時次

其舊韻

春生瀟湘水風鳴澗谷泉過雨花漠漠

弄晴絮翩翩名園上朱閣觀後復觀前
借問昔居人岑絕無炊煙人生須富貴
河水清且漣百年共如此安用涕潺湲
蔣侯真好事杖屢喜接連車載溪中骨
推排若差肩厭看孔壬面醜石反成妍
感君勸我醉吾亦無間然亂我朱碧眼
空花墜便翾行動須人扶那能金石堅
愛君雷式琴湯湯發朱絃但恨賞音人

太半隨逝川平生有詩罪如痼不可痊
今當痛自改三釁復三湔

游愚溪并序

三月辛丑同徐靖國到愚溪
過羅氏脩竹園入朝陽洞蔣
彥回陶介石僧崇廣及余子
相步及余於朝陽巖裴回水
濱父之有白雲出洞中散漫

洞口咫尺欲不相見介石請
作五字記之

意行到愚溪竹輿鳴擔肩冉溪昔居人
埋沒不知年偶託文字工遂以愚溪傳
柳侯不可見古木蔭澌澌羅氏家瀟東
瀟西讀書園筍茁不避道檀欒搖春
煙下入朝陽巖次山有銘鐫蘚石破篆
文不辨瞿李袁嵌竇響笙磬洞中出寒

泉同遊四五客拂石弄潺湲俄頃生白雲似欲駕我仙吾將從此逝挽牽遂回船

代書寄翠巖新禪師

山谷青石牛自負萬鈞重八風吹得行處
處是日用又將十六口去作宜州夢苦憶
新老人是我法梁棟信手斫方圓規矩一
一中遙思靈源叟分坐法席共聊持楚狂
向住你天女供嶺上早梅春參軍慙獨弄

戲答歐陽誠發奉議謝余送茶歌

歐陽子出陽山山奇水怪有異氣生此
突兀熊豹顏飲如江入洞庭野詩成十
手不供寫老來抱璞向涪翁東坡元是
知音者蒼龍壁官焙香涪翁投贈非世
味自許詩情合得當却思翰林來餽光
祿酒兩家水鑒共寒光予乃安敢比東

坡有如玉槃金叵羅直相千萬不啻過
愛公好詩又能多老夫何有更橫戈奈
此于思百戰何

以椰子茶餅寄德孺二首

碩果賈林梢可以代懸匏携持二十年
煮茗當酒肴我今禦魑魅學打衲僧包
聊持堅重器遺我金石交

炎丘椰木實入用隨茗椀譬言如桔石磬

但貴從來遠往時萬里物今在籬落間
知公一拂拭想我瘴霧顏

和范信中寓居崇寧遇雨二首

范侯來尋八桂路走避俗人如脫兔衣
囊夜雨寄禪家行潦外階漂兩屢遣悶
悶不離眼前避愁愁已知人處慶公憂
民苗未立晏公憂木水推去兩禪有意
開壽域歲晚築室當百堵它時無屋可

藏身且作五里公超霧

當年游俠成都路黃犬蒼鷹伐狐兔二十始肯爲儒生行尋丈人奉巾屢千江渺然萬山阻抱衣一囊遍處處或持劍掛寢上回亦有酒罷壺中去昨來禪榻寄曲肱上雨傍風破環堵何時覩化北溟波好在豹隱南山霧

乞鍾乳於曾公袞

紆

寄語曾公子金丹幾時熟願持鍾乳粉實此磬懸腹遙怜蠟眼湯已化鵝管玉刀圭勿妄傳此物非碌碌

豫章先生卷第六

豫章先生文集卷第七

律詩

寄黃幾復

乙丑年德平鎮作

我居北海君南海
寄鴈傳書謝不能
李春風一杯酒
江湖夜雨十年燈
持家但有四立壁
治病不斲三折肱
想得讀書頭已白
闌溪猿哭瘴煙藤

送舅氏野夫之宣城二首

李莘

籍甚宣城郡風流數貢毛霜林收鴨脚
春網薦琴高共理須良守今年輟省曹
平生割雞手聊試發硎刀

試說宣城樂停杯且細聽晚樓明宛水
春騎簇昭亭杷絅豐圩戶折楊卧訟庭
謝公歌舞處時對換鵝經

和荅錢穆父詠猩猩毛筆

愛酒醉魄在能言機事疎平生幾量屐

身後五車書物色看王會勲勞在石渠
拔毛能濟世端爲謝楊朱

送顧子敦赴河東三首

頭白書林二十年印章今領晉山川紫
參可掘宜包貢青鐵無多莫鑄錢勸課
農桑誠有道折衝尊俎不臨邊要知使
者功多少看取春郊處處田
家在江東不繫懷愛民憂國有從來月

斜汾沁催驛馬雪暗岢嵐傳酒杯塞上
金湯唯粟粒胷中水鏡是人才遙知更
解青牛句一寸功名心已灰

攬轡都城風露秋行臺無妾護衣篝虎
頭墨妙能頻寄馬乳蒲萄不待求上黨
地寒應強飲兩河民病要分憂猶聞昔
在軍興日一馬人間費十牛

詠雪奉呈廣平公

宋盈祖

連空春雪明如洗忽憶江清水見沙夜
聽踈踈還密密曉看整整復斜斜風回
共作婆娑舞天巧能開頃刻花政使盡
情寒至骨不妨桃李用年華

次韻宋林宗僦居甘泉坊雪後

書懷

漢家太史宋公孫漫逐班行謁帝闕燕
領封侯空有相蛾眉傾國自難昏家移

四壁書侵坐馬瘦三山葉擁門安得風
帆隨雪水江南石上對窪尊

次韻奉酬劉景文河上見寄

省中岑寂坐雲窓忽有歸鴻拂建章珍
重多情惟石友琢磨佳句問潛郎遙怜
部曲風沙裏不廢平生翰墨場想見哦
詩煮春茗向人懷抱去關防

見諸人唱和酴醿詩輒次韻戲

梅殘紅藥遲此物共春歸名字因壺酒
風流付枕幃墜鉢香徑草飄雪淨垣衣
玉氣晴虹發沉杆鋸屑霏直知多不厭
何忍摘令稀常恨金沙學顰時正可揮

陳留市隱并序

陳留市中有刀鑄工與小女居得錢父
子飲于市醉則肩其子行歌不通名姓

江端禮傳其事以爲隱者吾友陳無已
爲賦詩庭堅亦擬作

市井懷珠玉往來終未逢乘肩嬌小女
邂逅此生同養性霜刀在閱人清鏡空
時時能舉酒彈鋏送飛鴻

次韻張昌言給事喜雨

三雨全清六合塵詩翁喜雨句陵雲垤
漂戰蟻餘追北柱擊乖龍有裂文減去

鮮肥憂玉食徧宗河嶽起鑪薰聖功惠
我豐年飽未有消埃可報君

次韻王定國揚州見寄

清洛思君晝夜流北歸何日片帆收未
生白髮猶堪酒垂上青雲却佐州飛雪
堆盤鱠魚腹明珠論斗煮鴻頭平山行
樂自不惡豈有竹西歌吹愁

謝王炳之惠石香鼎

薰鑪宜小寢鼎製琢晴嵐香潤雲生礎
煙明虹貫巖法從空處起人向鼻端參
一炷聽秋雨何時許對談

次韻柳通叟寄王文通

故人昔有陵雲賦何意陸沈黃綬間頭
白眼花行作吏兒婚女嫁望還山心猶
未老杯中物春不能朱鏡裏顏寄語諸
公肯湔祓割雞令得近鄉關

王聖美三子補中廣文生子韶

王家人物從來遠今見諸孫揔好賢三
級定知魚尾進一鳴已作鴈行連愧無
藻鑒能推轂願卷囊書當贈鞭歸去雄
誇向兒姪舍中犢子臘狂顛

次韻崔伯易席上所賦因以贈

行二首

迎新與送故渠已不勝勤民賣腰間劍

公寬柱後文諸郎投賜沐高會惜臨分
去國雖千里分憂即近君

老惜交情別追隨車馬勤臨朝思共理
治郡復斯文訟息常休吏民貧更勸分
西湖十頃月自比漢封君

同子瞻韻和趙伯充園練

金玉堂中寂寞人仙班時得共朝真兩
宮無事安盤石萬國歸心有老臣家釀

可供開口笑侍兒工作捧心顰醉卿乃
是安身處付與外平作幸民

次韻幾復和荅所寄

海南海北夢不到合會乃非人力能地
褊未堪長袖舞夜寒空對短檠燈相看
鬚髮時窺鏡曾共詩書更曲肱作箇生
涯終未是故山松長到天藤

寄上叔父夷仲三首

少年有功翰墨林中歲作吏幾陸沉庖
丁解牛妙世故監市履稀知民心萬里
書來兒女瘦十月山行冰雪深夢魂和
月繞秦隴漢節落毛何處尋

艱難聞道有歸音部曲霜行璧月沉王
山海藏國用乃見縣官恤民深經心隴
春正月調玉燭使星萬里朝天心頗令
蜀封疆守必有人材備訪尋

關寒塞雪欲嗣音燕鴈拂天河鯉沉百
書不如一見面幾日歸來兩慰心弓刀
陌上望行色兒女燈前語夜深更懷父
子東歸得手種江頭柳十尋

次韻宋楙宗三月十四日到西
池都人盛觀翰林公出遨

金狨繫馬曉鶯邊不比春江上水船人
語車聲喧法曲花光樓影倒晴天人間

化鶴三千歲海上看羊十九年還作遨
頭驚俗眼風流文物屬蘇仙

嘲小德

中年舉兒子漫種老生涯學語轉春鳥
塗窻行莫鴉欲嗔王母惜稍惠女兒誇
解著潛夫論不妨無外家一作學語春
蟲話書窻秋

鴈斜待渠能小
艇伴我釣煙沙

清人怨戲效徐庾慢體三首

秋水無人渡荷花稱意紅主人敬愛客
催喚出房籠一斛明珠曲何時落塞鴻
試煩春笋手聊爲剥蓮蓬一作發
萍蓬

障羞羅袂薄承汗領巾紅晚風斜蠻髮
逸艷照窻籠胡琴抱明月寶瑟陣歸鴻
倚壁生珠網年光如轉蓬

翡翠釵梁碧石榴裙褶紅隙光斜斗帳
香字冷薰籠聞道西飛燕將隨北固鴻

鴛鴦會獨宿風雨打船蓬

東觀讀未見書

已下擬省題四首

漢規群王府東觀近宸居詔許無雙士
來觀未見書皇文開萬卷家學陋三餘
竹帛森延閣星辰繞直廬諸生起微賤
天子賜吹噓願以多聞力論思補帝裾

歲寒知松柏

群陰厭品物松柏尚柏老至惟心在

相將到歲寒霜嚴御史府雨立大夫官
犧象溝中斷徽絃爨下殘光陰一鳥過
斬伐萬牛難春日輝桃李蒼顏亦預觀
被褐懷珠玉

國士懷珠玉通津不易杠檳藏心有待
褐短義難降寶唾歸青簡晴虹貫夜窓
直言防桉劍豈是故迷邦彈雀輕千仞
連城買一雙安知藍縷底明月弄寒江

欽定四庫全書
卷之七
欽塞來草

前朝夏州守來欽塞門西聖上開皇極
降書付狄鞮鞬裘瞻日月弊面帶金犀
殿陛閑干羽邊庭息鼓鼙永輸量谷馬
不作觸藩羝聲勢常相倚今聞定五溪

次韻秦少章晁適道贈荅詩

二子論文地陰風雪塞廬寧穿東郭履
不奉子公書士固難推挽時聞有詔

除負暄真得計獻御恐成踈

和荅元明黔南贈別

萬里相看忘逆旅三聲清淚落離觴朝
雲往日攀天夢夜雨何時對榻涼急雪
鶴鴉相並影驚風鴻鴈不成行歸舟天
際常回首從此頻書慰斷腸

次韻荅清江主簿趙彥成知命

日轉溪山幾百遭厭聞虎嘯與猿號笙

歌忽把二天酒風雨猶驚三峽濤已作
齊民尋要術安能痛飲讀離騷看君自
是青田質清唳當聞徹九臯

次韻楊明叔四首 并序

楊明叔惠詩格律詞意皆薰沐去
其舊習予爲之喜而不寐文章者
道之器也言者行之枝葉也故次
韻作四詩報之耕禮義之田而深

其未明叔言行有法當官又敏於
事而卹民故予期之以遠者大者
魚去游濠上鷄來止坐隅吉凶唯我在
憂樂與生俱決定不是物方名大丈夫
今觀由也果老子欲乘桴
道常無一物學要反三隅喜與嗔同本
嗔時喜自俱心隨物作宰人謂我非夫
利用兼精義還成到岸桴

全得備萬物大方無四隅身隨腐草化
名與太山俱道學歸吾子言詩起老夫
無爲蹈東海留作濟川桴

匹士能光國三辱不滿隅竊觀今日事
君與古人俱氣類贊求友精誠石望夫
雷門震驚手待汝一援桴

再次韻

庭堅老懶衰惰多年不作詩已忘

其體律因明叔有意於斯文試舉
一綱而張萬目蓋以俗爲雅以故
爲新百戰百勝如孫吳之兵棘端
可以破鏃如甘蠅飛衛之射此詩
人之奇也明叔當自得之公眉人
鄉先生之妙語震耀一世我昔從
公得之多故今以此事相付

窮奇投有北鴻鵠止丘隅我已魑魅禦

君方燕雀俱道應無芥蒂學要盡工夫
莫斬猿猱杖明堂待棟桴

贈黔南賈使君

綠髮將軍領百蠻橫戈得句一開顏少
年圯下傳書客老去空同問道山春入
鶯花空自笑秋成梨棗爲誰攀何時定
作風光主待得征西鼓吹還

次韻雨絲雲鶴二首

煙雲杳靄令中稀霧雨空濛密更微園
客璽然抽萬緒蛛蝥網面罩羣飛風光
錯綜天經緯草木文章帝杼機願染朝
霞成五色爲君王補坐朝衣
幾片雲如薛公鶴精神態度不曾齊安
知隴鳥樊籠密便覺南鵬羽翼低風散
又成千里去夜寒應上九天栖坐來改
變如蒼狗試欲揮毫意自迷

次韻黃斌老晚游池亭二首

路入東園無俗駕忽逢佳士喜同遊綠
荷菡萏稍覺晚黃菊拒霜殊未秋客位

正須懸榻下主人自愛小塘幽老夫多
病蠻江上頗憶平生馬少游

客位一作客至

岑寂東園可散愁膠膠擾擾夢神遊萬
竿苦竹旌旗卷一部鳴蛙鼓吹秋雨後
月前天欲冷身閑心遠地常幽杜門謝

客恐生謗且作人間鵬鷁游

豫章先生文集卷第七

豫章先生文集卷第八

律詩

次韻奉答文少激紀贈二首

詩來清吹拂衣巾句法詞鋒覺有神今
日相看青眼舊它年肯作白頭新文如
霧豹容窺管氣似靈犀可辟塵慙愧相
期在臺省無心枯木豈能春
文章藻鑒隨時去人物權衡逐勢低揚

子墨池春草遍武侯祠。曉鶯啼書帷。
寂寞知音少。幕府留連要路迷。顧我何
人敢推挽。看君桃李合成蹊。

次韻文少激判官祈雨有感

窮儒憂樂與民同。何況朱輪職勸農。
終日虀鹽供一飯。幾時膚寸冒千峰。
未須丘垤占鳴鶴。只要雷霆起卧龍。
從此滂沱遍枯槁。愛民天子似仁宗。

次韻少激甘露降太守居桃葉

上

金莖甘露薦齋房。潤及邊城草木香。
實葉閭天與味。成蹊枝上月翻光。
群心愛戴葵傾日。萬事驅除葉噴霜。
玉燭時和君會否。舊臣重疊起南荒。

次韻楊君全送酒長句

扶乘却老世無方。唯有君家酒未嘗。
秋

入園林花老眼茗搜文字響枯腸醉頭
夜雨排簷滴盃面春風繞鼻香不待澄
清遣分送定知佳客對空觴

戲題巫山縣用子美韻

巴俗深留客吳儂但憶歸直知難共語
不是故相違東縣聞銅臭江陵換祫衣
丁寧巫峽雨慎莫暗朝暉

次韻馬荊州

六年絕域夢刀頭判得南還萬事休誰
謂石渠劉校尉來依絳帳馬荊州霜
雪贖共看鏡茱萸菊英同送秋它日江
梅臘前破還從天際望歸舟

和中玉使君晚秋開天寧節道

場

江南江北盡雲沙車騎東來風旆斜倒
影樓臺開紫府得霜籬落賸黃花釣溪

築野收多士，航海梯山共一家。
想見星壇祝堯壽，步虛聲裏靜無譁。

贈李輔聖

交蓋相逢水急流，八年今復會荊州。
回青眼追鴻翼肯使黃塵沒，馬頭舊管新收幾粧鏡。
流行坎止一虛舟，相看絕嘆女博士筆研管絃成古丘。

女博士謂輔聖後房

孔君也於文藝無所不能能皆妙絕

和高仲本喜相見

雨昏南浦曾相對，雪滿荊州喜再逢。
子才如不羈，馬知公心是後凋。
松閑尋書冊，應多味。
老傍人門似更慵，何日晴軒觀筆研。
一樽相屬要從容。

次韻聞善

扶醉三竿日，題詩一研埃。
張羅門帶雪，投轄井生苔。
待得成丘壠，誰能把酒盃。

常應黃菊畔悵望白衣來

次韻答高子勉十首

雪盡虛簷滴春從細草迴德人泉下夢
俗物眼中埃久立我有待長吟君不來
重玄鎖關鑰要是玉匙開

掃雪我三日御風君過旬言詩今有數
下筆不無神行布佺期近飛揚子建親
可怜金石友去不待斯人

峴南羈旅井瀾上獵歸亭日繞分魚市
風回落鴈汀筆由詩客把笛爲故人聽
但恐蘇耽鶴歸時或姓丁

君不登郎省還應上諫坡才高殊未識
歲晚喜無它櫼馬羸難出鄰雞凍不歌
寒爐餘幾火灰裏撥陰何

荆渚樓中賦南陽壠底吟誰言小隱處
頗屈故人臨經笥難窺底詞源幸汲深

思君眠竹屋雪月冰寒衾

驚人得佳句或以傲王公處世要清節
滑稽安足雄深況似康樂簡遠到安豐
一點無俗氣相期林下同

志士難推轂將如高子何心期誠不淺
餘論或相多欲向滄洲去還能小艇麼
鷓鴣西照處相並曬漁蓑

鑿開混沌竈窺見伏羲心有物先天地

含生盡陸沉伐山成大厦鼓橐鑄祥金
三尺無絃木期君發至音

少年基一簣長歲足三餘忽作飛黃去
頓超同隊魚尊前八米句窓下十年書
定作牛腰束傳抄聽小胥

沙上步微暖思君剩欲招萋萬穿雪動
楊柳索春饒枉駕時逢出新詩若見撩
樽前遠湖樹來飲莫辭遙

自巴陵略平江臨湘入通城無
日不雨至黃龍奉謁清禪師繼
而晚晴邂逅禪客戴道純欵語
作長句呈道純

山行十日雨霑衣幕阜峰前對落暉野
水自添田水滿晴鳩却喚雨鳩歸靈源
大士人天眼雙塔老師諸佛機白髮蒼
顏重到此問君還是昔人非

新喻道中寄元明用觴字韻

中年畏病不舉酒孤負東來數百觴喚
客煎茶山店遠看人秧稻午風涼但知
家裏俱無恙不用書來細作行一百八
盤携手上至今猶夢遶羊腸

追和東坡蠶中九華并序

湖口人李正臣蓄異石九峯東坡
先生名曰蠶中九華并爲作詩後

八年自海外歸過湖口已爲好事
者所取乃和前篇以爲笑實建中
靖國元年四月十六日明年當崇
寧之元五月二十日庭堅繫舟湖
口李正臣持此詩來石旣不可復
見東坡亦下世矣感歎不足因次

前韻

有人夜半持山去頓覺浮嵐暝翠空試

問安排華屋處何如零落亂雲中能迴
趙璧人安在已入南柯夢不通賴有霜
鍾難席卷袖椎來聽響玲瓏

罷姑熟寄元明用觴字韻

追隨富貴勞牽尾準擬田園略濫觴本
與江鷗成保社聊隨海燕度炎涼未栽
姑熟桃李徑却入江西鴻鴈行別後常
同千里月書來莫寄九回腸

追和東坡先生題李亮功歸來圖

今人常恨古人少今得見之誰謂無欲
學淵明歸作賦先煩摩詰畫成圖小池
已築魚千里隙地仍栽芋百區朝市山
林俱有累不居京洛不江湖

和文潛舟中所題

雲橫疑有路天遠欲無門信矣江山美

懷哉謹逐魂長波空汎記佳句洗眵昏
誰柰離愁得村醪或可尊

夢中和觴字韻

崇寧二年正月己丑夢東坡先生
於寒溪西山之間予誦寄元明觴
字韻詩數篇東坡笑曰公詩更進
於曩時因和予一篇語意清奇予
擊節賞歎東坡亦自喜於九曲嶺

道中連誦數過遂得之

天教兄弟各異方不使新年對舉觴作
雲作雨手翻覆得馬失馬心清涼何處
胡椒八百斛誰家金釵十二行一丘一
壑可曳尾三沐三釗取剝腸

次韻廖明略陪吳明府白雲亭

宴集

江靜明花竹山空響管絃風生學士塵

雲繞令君遙百越餘生聚三吳遠接連
庖霜刀落鱠執玉酒明船葉縣飛來馬
壺公謫處天酌多時暴雨譳舞短更成妍
唯我孤登覽觀詩未究宣空餘五字賞
文似兩京然醫是肱三折官當歲九遷
老夫看鏡罷衰白敢爭先

次韻文安國紀夢

道人偶許俗人知法喜非妻解養兒夜

父金莖添沉瀣室虛璧月映琉璃遠來
醉俠忽忽去近出詩仙句句奇獨怪區
區踐繩墨相逢未省角巾欹

陳榮緒惠示之字韻詩推獎過
實非所敢當輒次高韻三首

紛紛不可耐君子有憂之鞅掌誠莊語
賢勞似怨詩頽波閱砥柱濁水得摩尼
杜子美云唯有摩尼珠可照濁水源知我無枝葉剗心只有皮

太丘曾量闊一葦莫抗之萬事不掛眼
四愁猶有詩狀閑聊闌草心潔似毗尼

僧律也早晚同舟去煙波學子皮

再和之字韻非

以作難得巧爲工亦欲見詩之無窮爾

十家有忠信江夏可無之政若寄賣友
忽聞衡說詩飢蒙青糲飯寒贈紫陀尼
蕃酬報矜難巧深慚陸與皮

德孺五丈和之字韻難而愈工

輒復和成可發一笑

且然聊爾耳得也自知之獨笑眞成夢
狂歌或似詩照灘禽郭索燒野得伊尼
鹿名出佛書早晚來同醉僧窓卧虎皮

次韻德孺五丈新居病起

潭潭經略府寂寂閉門居京洛聖賢宅
江湖魚鼈潛官如一夢覺話勝十年書
稍喜過從近扶筇不駕車

次韻德孺五丈感興二首

於此吾忘我從誰尺直尋事來千萬種
人有兩三心自守藩籬小猶能井臼任
過時雖不采吾與菊花斟
眼前嘗廢忘事往更追尋愛酒陶元亮
著書王仲任寒蒲雖有節枯木已無心
客至還須飲逢歡起自斟

次韻德孺五丈惠貺秋字之句

少日才華接貴游老來忠義氣橫秋未
應白髮如霜草不見丹砂似箭頭顧我
今成喪家狗期君早作濟川舟漢家宗
社英靈在定是寒儒浪自愁

十二月十九日夜中發鄂渚晚泊

漢陽親舊携酒追送聊爲短句
接浙報官府敢違王事程宵征江夏縣
睡起漢陽城鄰里煩追送杯盤瀉濁清

祇應瘴鄉老難答故人情

次韻陳榮緒同倚鍾樓晚望別

後明日見寄之作

天外僧伽塔斜暉極照臨凭欄隨處好
殘雪向來深青草無風浪枯松半死心
所謂城南老樹精衡陽有回鴈它日更傳音

贈惠洪

數面欣羊胛論詩喜雉膏眼橫湘水莫

雲獻楚天高墮我玉塵尾乞君宮錦袍
月清放舟舫萬里渺雲濤

又

吾年六十子方半槁項頂螺忘歲年韻
勝不減秦少覲氣爽絕類徐師川不肯
低頭拾卿相又能落筆生雲煙脫却衲
衫著蓑笠來佐涪翁刺釣船

宜陽別元明用觴字韻

霜須八十期同老酌我仙人九醞觴言吾兄弟皆壽八十近得重醞法甚妙
永思堂下草荒涼千林風雨鶯求友萬
里雲天鴈斷行別夜不眠聽鼠齧非關
春茗攬枯腸

豫章先生文集卷第八

豫章先生文集卷第九

絕句

五言附

醇道得蛤蜊復索舜泉舜泉已
酌盡官酒不堪不敢送
青州從事難再得牆底數樽猶未眠商
略督郵風味惡不堪持到蛤蜊前

次韻王稚川客舍二首

舊詩

五湖歸夢常苦短一寸客愁無奈多慈

母每占烏鵲喜閨人應賦扊扅歌

百里奚仕

秦其妻歌曰百里奚五年皮憶別時烹伏雌炊扊扅今日富貴忘我爲

身如病鶴翅翎短心似亂絲頭緒多此

曲朱門歌不得湖南湖北竹枝歌

王稚川既得官都下有所盼未歸予戲作林夫人欸乃歌二章

與之竹枝歌本出三巴其流在湖湘耳欸乃乃湖南歌也

欸音譎乃音謡

花上盈盈人不歸棗下纂纂實已垂臘
雪在時聽馬嘶長安城中花片飛
從師學道魚千里蓋世成功忝一炊日
日倚門人不見看盡林鳥反哺兒

秋思寄子由

黃落山川知晚秋小蟲催女獻功裘老
松闕世卧雲壑挽著滄江無萬牛

謝公擇舅分賜茶三首

外家新賜蒼龍壁北焙風煙天上来
日蓬山破寒月先甘和夢聽春雷

文書滿案惟生睡夢裏鳴鳩喚雨來乞
與降魔大圓鏡真成破柱作驚雷

細題葉字包青箬割取丘郎春信來拚
洗一春湯餅睡亦知清夜有蚊雷

戲詠猩猩毛筆二首

桄榔葉暗賓郎紅朋友相呼墮酒中政

以多知巧言語失身來作管城公

明窓脫帽見蒙茸醉著青鞋在眼中束
縛歸來儻無辱逢時猶作黑頭公

戲詠蠟梅二首

金蓓鎖春寒惱人香未展雖無桃李顏
風味極不淺

體薰山麝臙色染薔薇露披拂不滿襟
時有暗香度

蠟梅

天工戲剪百花房奪盡人工更有香埋
玉地中成故物折枝鏡裏憶新粧

從張仲謀乞蠟梅

聞君寺後野梅發香蜜染成宮樣黃不
擬折來遮老眼欲知春色到池塘

賈天錫惠寶薰乞詩予以兵衛
森畫戟燕寢凝清香十字作詩

報之父失此藁偶於門下後省
故紙中得之

險心游萬仞躁欲生五兵隱几香一炷
靈臺湛空明

晝食鳥窺臺宴坐日過砌俗氛無因來
煙霏作輿衛

石密化螺甲楨櫨煮水沉博山孤煙起
對此作森森

輪囷香事已郁郁著書畫誰能入吾室
脫汝世俗械

賈侯懷六韜家有十二戟天資喜文事
如我有香癖

林花飛片片香歸街泥燕閨閣和春風
還尋蔚宗傳

公虛采蘋宮行樂在小寢香光當發聞
色敗不可稔

牀帷夜氣馥衣桁晚煙凝瓦溝鳴急雪
睡鴨照華燈

雉尾映鞭聲金鑪拂太清班近聞香早
歸來學得成

衣篝麗紈綺有待乃芬芳當念真富貴
自薰知見香

劉晦叔許洮河綠石研

丈聞岷石鴨頭綠可磨桂溪龍文刀莫

嫌文吏不知武要試飽霜秋兔毫

子瞻去歲春夏侍立延英子由
秋冬間相繼入侍作詩各述所
懷予亦次韻四首

赤壁歸來入紫清堂堂心在贊彤零江
沙踏破青鞋底却結紲絢侍禁庭
鈞蟠萬卷夜光寒筆倒三江硯滴乾大
似不蒙稽古力只今猶著侍臣冠

對掌燃綸罷記言職親黃屋傍堯軒鴈
行飛上猶回首不受青雲富貴吞
樂天名位聊相似却是初無富貴心只
欠小蠻樊素在我知造物愛公深

再次韻四首

隆儒殿閣對橫經咫尺清都雨露零見
說文星環北極人間無路仰天庭
風櫺倒影日光寒堯日當中露正乾殿

上給扶鳴漢履螭頭簪筆見秦冠

萬國歸心天不言諸儒爭席異臨軒聖
功典學形歌頌更覺曹劉不足吞

廷和西路古槐陰不闌朝宗夙夜心公
有曾中五色線平生補袞用功深

題郭熙山水扇

郭熙雖老眼猶明便面江山取意成一
段風煙且千里解如明月逐人行

題惠崇畫扇

惠崇筆下開江面萬里晴波向落暉梅
影橫斜人不見鴛鴦相對浴紅衣

戲題小雀捕飛蟲畫扇

小蟲心在一啄間得失與世同輕重丹
青妙處不可傳輪扁斲輪如此用

題畫孔雀

桄榔暗天蕉葉長終露文章嬰丑網故

山桂子落秋風無因雄雌碧雲上

睡鴨

山鷄照影空自愛孤鸞對鏡不作雙天
下真成長會合兩鳧相倚睡秋江

小鴨

小鴨看從筆下生幻法生機全得妙自
知力小畏滄波睡起晴沙依晚照

題劉將軍鴈二首

王蛱蝶雙穿花東丹胡馬飲胡沙祁
連將軍一筆鴈生不並世俱名家

又

將軍一矢萬人看灑雪晴空碎羽翰乞
與失群沙宿鳥筆間千頃暮江寒

題晁以道雪鴈圖

飛雪灑蘆如銀箭前鴈驚飛後回盼憑
誰說與謝玄暉休道澄江靜如練

往歲過金陵值早春嘗作詩云春

風十里珠簾面鬍鱗三生杜牧之

紅藥梢頭初畱粟楊州風物贊成

然今春有自淮南來者道楊州事

戲以前韻寄王定國二首

淮南二十四橋月馬上時時夢見之想

得揚州醉年少正圍紅袖寫烏絲

日邊置論誠深矣聖處時中乃得之莫

作秋蟲促機杼貧家能有幾絢然

謝鄭闕中惠高麗畫扇二首

會稽內史三韓扇分送黃門畫省中海
外人煙來眼界全勝博物注魚蟲

蘋汀游女能騎馬傳道蛾眉畫不如寶
扇真成集陳倅史臣今得殺青書

次韻徐文將至國門見寄二首

槐催舉子著花黃來食邯鄲道上梁便

欲掃牀懸塵尾正愁喘月似燈光

千頭剖蚌明珠熟百尺垂絲鱠縷長柳
下石門君有此可能衝熱厭清涼

次韻游景叔聞洮河捷報寄諸

將四首

千仞谿中石轉雷漢家萬騎擣虛回定
知獻馬胡雞入看即稱觴都護來

中原日月九夷知不用降胡橐鼓旗更

向天街舞干羽降書剩破一年遲

漢得洮州箭有神斬關禽敵不逡巡將
軍快上屯田計要納降胡十萬人

遙知一炬絕河津生縛青宜不動塵付
與山川印如斗忍爲鼠子腹心人

考試局與元孫博士竹間對窓

夜聞元忠誦書聲調悲壯戲作

竹枝歌三章和之

南窓讀書聲吾伊北窓見月歌竹枝我

家白髮問烏鵲他家紅粧占蝶絲

屋山啼鳥兒當歸玉釵胥蛛郎馬嘶去

時燈火正月半階前雪消萱草齊

勃姑夫婦喜相喚街頭雪泥即漸乾已
放游終高百尺不應桃李尚春寒

題伯時畫揩癢虎

猛虎肉醉初醒時揩磨苛癢風助威枯

捕未覺草先低木末應有行人知

題伯時畫觀魚僧

橫波一網腥城市日暮江空煙水寒當時萬事心已死恐魚猶作故時看

題伯時畫頓塵馬

竹頭捨地風不舉文書堆案睡自語忽然
看高馬頓風塵亦思歸家洗袍袴

題伯時畫嚴子陵釣灘

平生父要劉文叔不肯爲渠作三公能
令漢家重九鼎桐江波上一絲風

次韻子瞻子由題憩寂圖二首

松含風雨石骨瘦法窟寂寥僧定時李
侯有句不肯吐淡墨寫出無聲詩

龍眠不似虎頭癡筆妙天機可並時蘇
仙漱墨作蒼石應解種花開此詩

王才元惠梅花三種皆妙絕戲

荅三首

城南名士遣春來三月乃見臘前梅定
知鎖著江南客故放綠梢春晚回

舍人梅塢無關鎖携酒俗人來未曾舊
時愛菊陶彭澤今作梅花樹下僧

病夫中歲屏杯杓百葉絳梅觸撥人拂
殺官黃香有思滿城桃李不能春

王立之承奉詩報梅花已落盡

次韻戲荅直方

南枝北枝春事休
榆錢可穿柳帶柔
定自沈郎作詩瘦
不應春能生許愁

乞姚花二首

正是風光嬾困時
姚黃開晚落應遲
欲好句乞春色日曆如山不到詩
青春日月鳥飛過
汙簡文書山疊重乞
取好花天上看宮衣黃帶御鑪風

効王仲至少監詠姚花用其韻四首

暝日低風整復斜
綠玉眉心黃袖遮
大梁城裏雖罕見
心知不是牛家花

九疑山中萼綠華
黃雲承轂到羊家
真詮蟲蝕詩句斷
猶託餘情開此花

仙衣襞積駕黃鵠
草木無光一笑開
人間風日不可耐
故待成陰葉下來

湯沐冰肌照春色
海牛壓簾風不開
直

言紅塵無路入猶傍蜂須蝶翅來

寄杜家父二首

紅紫爭春觸處開九衢終日犢車雷閑
情欲被春將去鳥喚花驚只麼回
風塵點汙青春面白汲寒泉洗醉紅徑
欲題詩嫌浪許杜郎覓句有新功

王才元舍人許牡丹求詩

聞道潛溪千葉紫主人不剪要題詩欲

搜佳句恐春老試遣七言賒一枝

謝王舍人剪送狀元紅

清香拂袖剪來紅似繞名園曉露叢欲
作短章憑阿素緩歌誇與落花風

戲答陳季常寄黃州山中連理

松枝二首

故人折松寄千里想聽萬壑風泉音誰
言五蘿蒼煙面猶作人間兒女心

老松連枝亦偶然紅紫事退獨參天金沙灘頭鎖子骨不妨隨俗整蟬娟

自門下後省歸卧酺池寺觀盧

鴻草堂圖

黃塵逆帽馬辟易歸來下簾卧書空不知繡鞍萬人立何如盧郎駕飛鴻

題子瞻寺壁小山枯木二首

爛脇五斗對獄吏白髮千丈濯滄浪却

來獻納雲臺表小山桂枝不相忘
海內文章非盡師能回筆力作枯枝豫
章從小有樑棟也似鄭公雙贊然

題子瞻枯木

折衝儒墨陳堂堂書入顏楊鴻鴈行曾
中元自有丘壑故作老木蟠風霜

題伯時天育驃騎圖二首

玉花照夜今無種櫪上追風亦不傳想

見真龍如此筆疾藜沙晚草迷川
明窓槃礴萬物表寫出人間真乘黃遜
迄今身猶姓李可非前世江都王

姨母李夫人墨竹二首

深閨淨几試筆墨白頭腕中百斛力榮
榮枯枯皆本色懸之高堂風動壁
小竹扶疎大竹枯筆端真有造化鑪人
間俗氣一點無健婦果勝大丈夫

戲答張祕監饋羊

細肋柔毛飽卧沙煩公遣騎送寒家忍
令無罪充庖宰留與兒童駕小車

戲答王定國題門二首

非復三五少年日把酒償春嬾生紅白
鷗入群嬾相委不謂驚起來賓鴻
頗知歌舞無覬鑿我心塊然如帝江花
裏雄蜂雌蝶同時本自不作雙

呈外舅孫莘老二首

九陌黃塵烏帽底五湖春水白鷗前扁舟不爲鱸魚去收取聲名四十年

甓社湖中有明月淮南草木借光輝故應剖蚌登王室不若含沙弄夕霏

以天壇靈壽杖送莘老

王屋千霜老紫藤扶公休沐對親朋異時駟馬安車去拄到天壇願力能

憶邢惇夫

詩到隨州更老成江山爲助筆縱橫眼看白璧埋黃壤何況人間父子情

頤軒詩六首并序

高君素作頤軒請予賦詩予爲說其義曰在易之頤觀頤自求口實其傳曰觀頤觀其所養也自求口實觀其自養也單豹巖棲谷飲有孺子之色而虎攻其

外張毅擎跽曲拳養人間之譽而疾攻
其內養虎者不以全物與之牧羊者去
其敗群視其後者而鞭之養鷹者飢之
是謂觀其所養庖丁不以肯綮嬰其解
牛之刀痴僂丈人不以萬物易蜩之翼
匹夫之志不可奪於三軍之帥是謂觀
其自養觀其所養盡物之性也觀其自
養盡已之性也詩云如切如磋如琢如

磨求盡性而已君素樂善好賢將求學
問日新之功故作頤軒以養其正吉乃
以觀頤自求口實六字作詩以勸戒之
金石不隨波松竹知歲寒冥此芸芸境
回向自心觀

知足是靈龜無厭乃朶頤虛心萬物表
寒暑自四時

無外一精明六合同出自公能知本生

佛亦不相似

辱莫辱多欲樂莫樂無求人生強學耳
萬古一東流

樞機要發遲飲食戒味厚漁人溺於波
君子溺於口

涇流不濁渭種桃無李實養心去塵緣
光明生虛室

寺齋睡起二首

小黠大癡螳捕蟬有餘不足蔓憐蚊退
食歸來北窓夢一江春月趁魚船
桃李無言一再風黃鸝惟見綠葱葱人
言九事八爲律儻有江船吾欲東

同元明過洪福寺戲題

洪福僧園拂紺紗舊題塵壁似昏鴉春
殘已是風和雨更著游人撼落花

戲答晁深道乞消梅二首

青莎徑裏香未乾黃鳥陰中實已團蒸
豆作烏鹽作白屬聞丹杏薦牙盤
北客未嘗眉自顰南人誇說齒生津磨
錢和密誰能許去帶供鹽亦可人

以梅餽晁深道戲贈二首

帶葉連枝摘未殘依俙茶塢竹籬間相
如病渴應須此莫與文君感遠山
渴夢吞江起解顏詩成有味齒牙間前

身鄴下劉公幹今日江南庾子山

豫章先生文集卷第九



